

Jesoa Kristy dia Andriamanitra. Marina sy Masina Izy.

Mankahala ny ota Izy, nefa tia ny olona rehetra, na dia mpanota aza izy ireo. Tsy holaviny mihitsy izay manatona Azy.

Na dia tsy tsapantsika aza izany, matetika, **ny fahoriana lehibe indrindra mianjady amintsika, dia ny fahatsiarovantsika tena ho meloka, manoloana an'Andriamanitra, noho ireo fahadisoantsika.** Raha mbola tsy milamina ihany koa ny saintsika momba izany, dia tsy hahita ny tena fifaliana maharitra isika.

Nampihavana antsika tamin'Andriamanitra i Jesoa Kristy, teo amin'ny hazofijaliana tao Kalvary. Mba hahatonga antsika ho voavela heloka, dia nomelohin'Andriamanitra i Jesoa Kristy, nisolo toerana antsika. Maty Izy, hanafaka antsika amin'ny fahotantsika.

« Ny ran'i Jesoa Zanany no manadio antsika ho afaka amin'ny ota rehetra. »⁽⁸⁾

« Ny nitiavan'i Kristy anareo, dia ny nanolorany ny tenany ho fanatitra ... hamonjy antsika. »⁽⁹⁾

Raha mino izany isika, dia hanana fiadanam-po. Izany no fampiononana voalohany entin'i Jesoa Kristy ho antsika. Raha mba fantatrao mantsy ny fiadanana mameno ny fon'izay mahalala an'i Jesoa ho toy ny Mpamonjiny ! **Fiadanana tsy manam-paharoa izany !**

Manomboka hatreo, dia **toy** ny miova ny zavatra rehetra miseho eo amin'ny fiainana.

Na tsy foana toy ny nisy fahagagana aza ny fahasahiranana rehetra, dia misy Olona miaraka amintsika hamakivaky izany.

Eo ny Tompo Jesoa, eo anilantsika. Mitondra fampiononana Izy, mitondra ny hery ilaintsika isan'andro. **Izy no ilay namana mahatoky, mihaino antsika lalandava.** Nampanantena Izy hoe :

« Izaho momba anareo mandrakariva. »⁽¹⁰⁾

Izy irery no mahafantatra ny olona mianjady amintsika, na dia alohan'ny hilazantsika izany aminy aza. Izy irery no afaka hitondra vahaolana mitombina, valin-teny azo antoka, na koa fampaherezana tsotra fotsiny, satria Izy no mitantana ny zavatra rehetra miseho eo amin'ny fiainan'ny zanak'olombelona. Izy no afaka manasitrana ny ratram-piainana rehetra, na dia izay efa tranainy aza.

« Tsy mitsahatra ny fiantràny. Vaovao isamaraina izany ; lehibe ny fahamarinanao ! »⁽¹¹⁾

Manatona ny Tompo Jesoa ; raiso ho toy ny mpamonjy anao sy namanao Izy. Ho feno fifaliana tsy hay lazaina ny fonao.

« Jehovah Tompo hamafa ny ranomaso amin'ny tava rehetra. »⁽¹²⁾

Ho hitanao ao amin'ny Baiboly ireto andininy notanisaina ireto : (1) Matio 11.28 - (2) Lioka 10.30 - (3) Lioka 10.31-32 - (4) Lioka 10.33-34 - (5) Salamo 142.1-2 - (6) Eksodosy 22.26 - (7) Jaona 6.37 - (8) 1 Jaona 1.7 - (9) Efesiana 5.2 - (10) Matio 28.20 - (11) Fitomaniana 3.22-23 - (12) Isaia 25.8

Imp. IMEAF · 26160 La Bégude-de-Mazenc · Dépôt légal 4^e trimestre 2009



Tanora iray, naratra tamina lozampifamoivoizana, hoentina any amin'ny hopitaly... Nanontany ireo mpamonjy voina ny mpanao gazety iray :

- « Ahoana ny fandraisanareo ny fijaliana sy ny fahorian'ireo olona niharam-boina sy ny fianakaviany ? »

- « Manao izay azo atao izahay mba hahakely ny fangirifiriany, ary mitondra teny fampaherezana koa. »

- « Eny e, fa mba ahoana ny fihetseham-ponareo manoloana ny fangirifiriana sy tebiteby hitanareo mandavantaona ? »

- « Tsaboinay araka izay azo atao ireo tra-boina ary ampianay ara-tsaina koa, nefa dia mametraka elanelana ihany koa izahay. Tsy hoe tsy miraharaha ny fahoriana, tsy akory, izahay, fa tsy afaka ny hibaby ny fijalian'ireo olona maratra koa : vetivety foana dia ho sempotra izahay, ary tsy ho afaka hanao ity asa ity intsony akory ! »

- Ka raha izany, hoy angamba ianao, iza no afaka hahatsapa ny alaheloko sy ny fijaliako ?

- Iza no afaka hanampy ahy hilanja izany ?

- Iza no afaka hanampy ahy, hampionona ahy ?

Mba fantatrao ve ity teny nolazain'i Jesoa Kristy ity :

« Mankanesa atỳ amiko, ianareo rehetra izay miasa fatratra sy mavesatra entana, fa Izaho no hanome anareo fitsaharana. »⁽¹⁾

Mamelà ahy hiresaka aminao momba ny **fangorahan'ny Tompo Jesoa, Ilay Zanak'Andriamanitra ...**

Izy irery no afaka hahatsapa ny fahorianao rehetra, ary Izy irery no afaka hitondra izany ; te hanamaivana ny entanao sy hampionona anao Izy.

Marina fa tsy eto an-tany intsony i Jesoa Kristy, hanasitrana ny marary, hampahiratra ny jamba, na koa hampitsangana ny maty. Efa any an-danitra lzy ankehitriny, efa nitsangana tamin'ny maty. Kanefa avy any lzy no **mitsimbina antsika tsirairay ; hitany daholo ny fahoriantsiaka sy ny fijaliantsika.**

Te hanampy antsika tsy an-kanavaka lzy, ary tsy miandry antsika ho mendrika hovonjena.

Indreto misy teny notsongaina avy tamina tantara iray nolazain'i Jesoa, ao amin'ny Filazantsara :

« Nisy lehilahy anankiray nidina avy tany Jerosalema, hankany Jeriko, ka azon'ny jiolahy; dia nendahiny ny lambany, sady nokapohiny izy, dia nilaozany, rehefa saiky maty. »⁽²⁾

« Nisy mpisorona anankiray... nahita andralehilahy... dia nandalo azy. »⁽³⁾

« Fa nisy kosa Samaritana anankiray, ... nony nahita azy, dia onena. Dia nanatona izy, ka nofeheziny ny feriny ...dia notsaboiny. »⁽⁴⁾

Toy io lehilahy io, dia matetika isika no tratra-na haratsiam-panahy na ny tsy rariny, voaratan'ny fiainana (aretina, fisaonana, tebiteby, fandozana, fahatsiarovana ho irery...). Indraindray isika dia toa « saiky maty », ary tsy misy na iza na iza manampy antsika.

Na ireo olona akaiky antsika aza, dia tsy afaka mamonjy antsika, na koa tsy miraiky amin'ny fahoriantsiaka.

Fa misy Olona iray tena onena antsika, dia ny **Tompo Jesoa.**

Nandritra ny fiainany teto an-tany lzy dia nahita ny atao hoe fijaliana, fanivaivana, fankahalana, mihoatra noho ny olona rehetra. Izany no ahatakarany ny fahoriantsiaka lalina indrindra. Tsy vitan'ny hoe azony izany, fa **mijaly ny fony** mahita antsika mijaly, **izany no atao hoe onena.**

Izy irery no afaka hanamaivana ny fijaliantsika sy hampitony ny fonsika. Andeha isika hanatona ny Tompo Jesoa, mba hampiononiny. **Aoka holazaintsika aminy tsotra fotsiny ny fahoriantsiaka, ny fahantrantsika rehetra :**

« Ny feoko no itarainako amin'i Jehovah, ny feoko no ifonako amin'i Jehovah. Loariko eo anatrehany ny fitarainako, ambarako eo anatrehany ny fahoriako. »⁽⁵⁾

Ndeha koa isika hihaino ny feony amin'ny famakiana ny Teniny (dia ny Baiboly), dia hionona sy hahazo hery :

« Raha mitaraina amiko izy, dia hohenoiko, fa mamindra fo Aho. »⁽⁶⁾

« Izay manatona Ahy dia tsy mba holaviko mihitsy. »⁽⁷⁾

- Matahotra ny hanatona Azy ve isika, satria Andriamanitra lzy ?

- Mahatsiaro meloka ve isika, manoloana ny fahamasinany?